



4 LO LUS NUG

Daws Teebmeem Kaus Menyuam Los Ntawm Txoj Moo Zoo Uas Ciaj Sia

Ib zaug uas tibneeg kaus me nyuam yuav ua rau ib tus me nyuam mos liab tag sim neej thiab ua rau tug pojniam muaj kev mob siab! Tabsis qhov uas mob dua ntais, kaus menyuam yuav nyob hauv leej txiv thiab leej niam lub siab mus tas ib txhis.

Yog li ntawd, yuav ua li cas thiaj li pauv hloov tau ib tus tibneeg txoj kev xav tias yog vim li cas qhov kev xav ntawd yuav coj lawv mus rau qhov kawg uas kaus me nyuam? Yuav ua li cas thiaj li pab tau cov tibneeg ua tabtom raug kev txhawj xeeb zoo li no? Yuav ua li cas thiaj li kho tau lawv lub siab kom rov zoo thaum uas lawv twb txiav txim siab ua tej haujlwm no?

Phau ntawv no yuav pab rau koj paub tseeb meej txog **kev kaus me nyuam** yog li cas hauv Vajtsvv, paub tau Yam uas Vajtsvv xav kom peb **hloov pauv**, mloog Vajtsvv lub suab hu thiab **nrhiav hau kev pab** cov pojniam thiab cov menyuam kom tsis txhob raug muab coj mus kaus pov tseg!

Yog xav kom to taub, qhib koj phau Vajluskub thiab nug 4 lo lus nug nram qab no:

- 1) Vajtsvv hais li cas txog tibneeg txojsia, thiab txojsia uas nyob hauv nruab thiab?
- 2) Vajtsvv hais li cas txog tus neeg uas tsis muaj txim raug tua tuag thiab kev kaus menyuam?
- 3) Yuav ua li cas peb thiaj coj tau txoj koob hmoov ntawm Txoj Moo Zoo mus rau cov neeg uas tau kaus menyuam kom lawv tau txais kev zam txim thiab kev cawm dim?
- 4) Vajtsvv nqua hu kom peb yuav tsum ua li cas thiaj tawmtsam tau txojkev uas tua cov tibneeg tsis muaj txim, thiab lwm tus twb ua tes haujlwm no li cas?

Txij li xyoo 2011, muaj tshaj li 3 lab tibneeg uas yog cov ntseeg nyob rau tebchaws Suav thiab cov ntseeg nyob thoob qab ntuj twb tau kawm thiab sib tham ua ke dhau los hauv phau Vajluskub, qhov no yooj yim to taub, yooj yim sib qhia kom tsis txhob kaus me nyuam, kho tau coob leej ntau tug rov muaj kev zoo siab. Cia li los koom nrog cov ntseeg txhua tus uas nyob thoob qab ntuj tawm tsam txoj kev kaus me nyuam – dhau los ntawm txoj Moo Zoo uas Ciaj Sia.

Lo Lus nug 1: Vajtsvv hais li cas txog tibneeg txojsia, thiab txojsia uas nyob hauv nruab thiab?

Peb txojkev kawm txog tibneeg txojsia ua ntej yog saib rau ntawm Vajtsvv, tom qab ntawd saib txog tibneeg txojsia, thiab txojsia thaum uas nyuam qhuav pib muaj nyob hauv leej niam plab.

Vajluskub hais li cas txog txojsia?

1) Vajtsvv yog txojsia:

- “Tus neeg uas nrhiav Kuv yog tus uas nrhiav txojsia” (Pajlug 8:35).
- “Nws yog tibneeg txojsia” (2 Kevcai 30:20).

2) Vajtsvv pub txojsia:

- “Vajtsvv yog tus tswj txhua yam tsiaj thiab tibneeg txojsia.” (Yauj 12:10).

3) Vajtsvv khuvleej txojsia:

- Nws yog tus tuav tibneeg txojsia (Phau Ntawv Nkauj 54:4).
- Nws yog tus cawm txojsia (Phau Ntawv Nkauj 72:14).
- Nws yog tus tsomkwlm txojsia (Phau Ntawv Nkauj 121:7).

4) Cawm Seej Yexus, Vajtsvv Leej Tub yog kboomplig txojsia:

- Tswv Yesus yog qhov kaj rau txojsia (Yauhas 8:12).
- Tswv Yesus yog tus muaj txojsia nplua mias (Yauhas 10:10).
- Tswv Yesus yog txojsia ib txhis (Yauhas 3:16).

5) Tswv Yesus Txoj Moo Zoo yog txojsia:

- “Peb zoo li tej tshuaj tsw qab uas Yesus Khetos muab fij rau Vajtsvv... yog tej pa uas ua rau lawv tau txojsia” (2 Kauleethaus 2:16).

Vajtsvv saib tej uas Nws tsim tau los yam twg muaj nqis tshaj plaws?

Vajtsvv txojkev zoo siab tshaj ntawm tej uas Nws tsim yog **tibneeg**.

- “Thaum kuv tsa qhovmuag ntsia saum lub ntuj uas Koj tsim cia, kuv pom lub hli thiab tej hnubqub uas Koj muab teeb nyias nyob muaj nyias chaw, neeg ntajteb tsimtxiaj npaum li cas Koj thiaj nco txog lawv? Noobneej zoo npaum twg, Koj thiaj hlub lawv ua luaj? Koj tsim lawv los ua tus yau ntawm Koj; Koj thiaj pub lawv muaj hwjchim thiab meejom” (Phau Ntawv Nkauj 8:3-5).

Yam dabtsi ua rau tibneeg txojsia muaj nqis li ntawd?

Qhov uas tibneeg txojsia muaj nqis vim Vajtsvv tsim tibneeg zoo li Nws tus yam ntxwv.

- “Vajtsvv hais tias, ‘Nimno peb yuav tsim neeg kom muaj yam ntxwv zoo li peb; thiab lawv yuav muaj hwjchim kav tagnrho tej ntses hauv hiavtxwv, tej noog saum nruab ntug, tej tsiaj nyeg, tsiaj quj, tsiaj loj tsiaj me thiab kav thoob plaws lub ntajteb no.’ Yog li ntawd, Vajtsvv thiaj tsim neeg, kom lawv muaj yam ntxwv zoo li Vajtsvv ntag. Nws tsim muaj tus txivneej thiab tus pojniam” (Chivkeeb 1:26-27).

Peb paub tibneeg txojsia muaj pistsawg yam nujnqis?

- Tus nqi sab hauv:** Txhua tus tibneeg puavleej muaj tus nqi uas nyob sab hauv vim tibneeg tau tsim zoo li Vajtsvv tus yam ntxwv. Neeg ntajteb hais tias tibneeg muaj nqis ntawm lossis tsawg, tsimnyog tsomkwm lossis tsis tsimnyog yog los ntawm lawv tes haujlwm thiab lub pee vxwm. Tiamsis Vajlusku hais tias, yog koj yog tibneeg ces koj yeej muaj nqis, vim koj tau tsim los zoo li Vajtsvv tus yam ntxwv.
- Tus nqi sib txig sib luag:** Tagnrho txhua leej txhua tus, txivneej thiab pojniam, muaj zog lossis muaj mob, txhua haivneeg puavleej muaj nqis ib yam vim tau tsim zoo li Vajtsvv tus yam ntxwv.
- Tus nqi tshwjxeeb:** Tibneeg muaj nqis tshaj txhua yam uas tau tsim los. Yam uas tseemceeb yog saib koj yuav tua ib tus npua los Yug ib tus menuam lossis tua ib tus menuam los Yug ib tus npua. Muab tibneeg txojsia tua yeej ibtxwm yog muab txojsia mus paув tej yam uas tsis muaj nqis cuag li txojsia (nyiaj txiag, koob npe, kev tau zoo).
- Tus nqi nyob mus ib txhis:** Vim peb muaj Vajtsvv tus yamntxwv uas nyob mus ib txhis ces peb muaj nqis tshwjxeeb thiab muaj feem nrog Vajtsvv nyob mus ib txhis lossis raug cais tawm ntawm Nws. Cov ntseeg yuav tsum ua ncaj ncees rau txhua tus ntawm lawv tej lus hais thiab tes haujlwm, coj sawvdaws los lees txim thiab ntseeg Tswv Yexus Khetos kom tau txais txojsia ibtxhis.

Qhov uas tau tsim zoo li Vajtsvv tus yam ntxwv txhais li cas?

- Tagnrho txhua tus tibneeg puavleej **tau Vajtsvv pub muaj cai ua neej**, hu ua txojcai uas ibtxwm muaj. Thiab txojcai uas muaj feem ua neej nyob yog txoj uas tseem ceeb tshaj plaws.
- Peb muaj ib tes haujlwm uas ua zoo yog **tsomkwm cov neeg pluag** (Pajlug 29:7), cov neeg raug saib tsis taus (Pajlug 31:5), cov raug caij tsuj (Pajlug 31:8), cov txomnyem (Pajlug 31:9), vim lawv yog thawj pab uas tsis muaj neeg quavntsej lossis tsis tau txais lawv txojcai muaj feem ua neej, thiab lawv tsis muaj pee vxwm tivthaiv tau lawv tus kheej.
- Yog tias hlub Vajtsvv, peb yuav tsum hlub lwm tus:** Yog koj caij tsuj cov neeg pluag, ces yog koj saib tsis taus Vajtsvv (Pajlug 14:31). Qhuas Vajtsvv, tabsis foom phem rau cov uas neeg tau tsim zoo li Vajtsvv tus yam ntxwv yog yam uas txajmuag thiab tsis tsimnyog (Yakaunpaus 3:9).
- Nujnqis ntawm ib tug tibneeg yuav ua rau nws ua hauj lwm zoo: Tibneeg tus nqi sab hauv, sib txig sib luag, tshwjxeeb, thiab ibtxhis yog lub zog uas txhawb peb ua txhua yam haujlwm **ncaj ncees** thiab muaj lub **siab zoo** rau cov neeg txomnyem, tsis muaj pee vxwm, thiab raug caij tsuj (Yauj 29:12-17; 30:13-15).

Cov ntseeg muaj txoj kev totaub txog ib tus tibneeg dhau los ntawm qhov uas Vajtsvv tsim tibneeg muaj tug yam ntxwv zoo li Vajtsvv (Chivkeeb 1:26-28). Yog li, peb paub tias ib txoj sia tau tsim muaj 4 yam nujnqis li no: sab hauv, sib txig zos, tshwj xeeb, ib txhis – puav leej tau cai muaj sia nyob. No yog ib qhov uas txhua tug thiab txhua pab pawg (nom tswv) txhawb nqa vim Vajtsvv yog tus muab rau tibneeg.

Vajtsvv saib txojkev muaj tub ki, menuam, thiab tsevneeg zoo li cas?

Vajtsvv hhub menuam thiab kom peb txais tos lawv. Vajtsvv kom “Cia li muaj tub ki coob” – txhua lub tsev neeg yuav tsum xeeb tub ki thiab muaj cuab yig, txhua tug menuam tau yug los, tu kom zoo thiab loj hlob – dhau los ntawm niam thiab txiv (Chiv.1:28; Math. 19:4-6). Tom qab dej nyab ntiajteb Vajtsvv rov foom koob hmoov dua kom tibneeg yuav tsum xeeb muaj tub ki (Chiv. 9:1;7).

- “**Vajtsvv foom koob hmoov rau nkawd** thiab hais tias: ‘**Neb cia li muaj tub ki kom coob**, neb tej xeebntxwv yuav huamvam mus nyob thoob plaws txhua qhov chaw...’” (Chivkeeb. 1:28).

Cov neeg Ixayees thaum ub saib menuam yog khoom plig Vajtsvv pub, yog koob hmoov, kev zoo siab (Ntawv Nkauj 127:3-5; 128). Tejzaug peb tau Vajtsvv muab pub thaum peb thov kiag tagnrho, no yog koob hmoov Vajtsvv pub zoo ib yam li Hanas (I Xamuyees 1:17-20 thiab 2:18-21).

- Ntawd Nkauj 127:3-5: “Menuam yog tej uas tus TSWV **pub dawb** rau neeg; menuam yog **koob hmoov** los ntawm tus TSWV. Tus uas muaj menuam thaum nws tseem hluas, nws zoo ib yam li tus tubrog uas muaj tsheej npo xub nyob ntawm nws txhais tes. **Tus uas muaj xub hnuev ntau yeej muaj kev kaj siab lug!...**”

Tswv Yexus hhub thiab saib taus cov menuam yaus. Nws txais tos, foom koob hmoov thiab thov Vajtsvv rau lawv. Nws qee sijhawm los nqa, puag lawv, tham lus thiab cev tes thov Vajtsvv foom koob hmoov. Tswv Yexus qhia tias menuam yaus yog tus qauv txa hwjchim thiab lawv yuav muaj feem hauv Vajtsvv lub tebchaws (Mathais 10:13-16). Nws ceebtoom rau cov neeg siab phem uas qhuab yuam cov menuam yaus (Mathais 18:5-6).

- “Muaj neeg coj lawv tej menuam tuaj cuag Yexus thiab thov Yexus cev tes plhws cov menuam yaus, tiamsis cov thwjtum cem cov neeg ntawd. Thaum Yexus pom cov thwjtum ua li ntawd, Yexus tsis txaus siab thiab nws hais rau cov thwjtum hais tias, **“Cia cov menuam los cuag kuv, tsis txhob txww lawv, rau qhov Vajtsvv lub Tebchaws yog cov neeg uas muaj lub siab mos siab muag li cov menuam ntawd tug.** Kuv qhia tseeb,...(Malakaus 10:13-16).
- “**Tus uas lees yuav tus menuam yaus no ntawm kuv lub npe**, kuj yog tus ntawd lees yuav Kuv. Yog leejtwg ua rau cov menuam uas ntseeg kuv no ib tug ua txhaum, cia li muab hlua khi ib txhib zeb uas loj dai rau tus ntawd cajdab, thiab coj nws mus pov rau hauv hiavtxwv yuav zoo dua” (Mathais 18:5-6).

Chivkeeb 1:28, Vajtsvv kom yuav tsum yug muaj tub ki. Yug menuam, cob qhia thiab muaj cuab yig. Qhov no tau Vajtsvv qhuas thiab zoo yam li ib qhov koob hmoov. Tu siab uas niaj hnub nimno, muaj coob leej xav tias menuam yog kev tab kaum, lub nrha nyhav yooj yim muab pov tseg – Menuam tsis tau saib tias yog khoom plig uas Vajtsvv pub.

Tibneeg txojsia pib muaj thaum twg? Tus uas tsis tau yug tawm los puas yog ib tus tibneeg? Vajluskub hais li cas? Ntiaj teb kev txawj ntse hais li cas?

Txoj sia pib muaj thaum pib xeebtub thiab Vajtsvv tsis feebpij menuam raws li sijhawm loj hlob: Tsis tau yug, menuam mos liab, cov nyuam qhuav paub mus kev lossis tub ntxhais hluas. Vajtsvv saib txhua tus puavleej yog tibneeg thiab hu lawv yog Nws menuam. Daviv saib tus menuam hauv nruab thiab yog tes hauj lwm “txaus ntshai thiab txawv kawg nkaus” hauv Vajtsvv txhais tes.

Thib 1: Vajtsvv siv tib lo lus hais txog tus tsis tau yug thiab tus twb yug los lawm. Qhov no tau sau tseg ua lus Henplais hauv phau Vajluskub qub thiab sau ua lus Kilis hauv phau Vajluskub tshiab.

- Hauv Vajluskub Qub
 - Nyob rau lus Henplais, “**habanim**” siv rau tus menuam uas yug lawm thiab tus uas tsis tau yug.
 - Chivkeeb 25:22 Lenpekas nkawm menuam: “Ob tug menuam sib tuam hauv leej niam plab.”
 - Ntawv Nkauj 128:3: Nyob rau lwm qhov lo lus no tau siv los hais txog menuam.
- Hauv Vajluskub Tshiab
 - Lus Kilis, lo lus “**brepbos**” tau siv rau cov uas tsis tau yug thiab cov menuam mos liab huvsi.
 - Lukas 1:41: “Thaum Elixanpes hnov dheeve Malis lub suab hais rau nws, ces nws tus menuam hauv plab txawm nti cuag dabtsi”
 - Lukas 2:16: “Lawv pom Malis thiab Yauxej, thiab pom tus menuam pw hauv ib lub dab zaub”

Thib 2: Vajtsvw qhia tias thaum cev xeebtub ces twb pib muaj txoj sia. Vajluskub qhia rau peb paub txog **kev xeebtub** – “*xeeb tau ib tug me tub*” (tsis hais tias xeeb leblwg ntshav) thiab **raws li tus qauv** – “*cev xeebtub thiab yug*”


- Chivkeeb 4:1: **Ka-ees** – “Adas nrog nws tus pojniam pw thiab yug tau ib tug me tub hu ua Ka-ees” Evas xeeb dabtsi? – Ka-ees. Ka-ees pib muaj lub sia thaum twg? – Thaum xeeb hauv niam plab.
- Lukas 1:31: **Tswv Yexus** – Malis thaum qhia tias *yuav xeeb tub thiab yug ib tug me tub*.
- Lukas 1:36: **Yauhas Npatitus** – Elixanpes kuj “*xeeb tub lawm*”. Malis xeeb yam dabtsi? – ib tug me tub. Elixanpes xeeb yam dabtsi? – Ib tug me tub. Lub sijhawm twg Tswv Yexus thiab Yauhas Npatitus yog me tub? – Thaum xeeb hauv niam plab.

Thib 3: Thaum Malis tuaj saib Elixanpes, Yauhas Npatitus – tseem nyob hauv niam plab – nws **tau phov li ib tus tibneeg** thaum nws **pom Tswv Yexus kuj tseem nyob hauv niam plab**. Txawm yog Tswv Yexus tseem me – tabsis Nws **twb tshwm** li ib tug tibneeg hauv Maivlaag plab. Zaj no qhia tshwm **tias tibneeg twb muaj lub hwjchim txawm tsis tau yug los**.

- *Paub ib tus neeg thiab dhia zoo siab*: Yauhas tsis tau yug tabsis twb txawj hais tias “*Niam aw, Tswv Yexus tuaj lawm*” zoo li thaum nws muaj 30 xyoo tomqab (Yauhas 1:29) “...Thaum Elixanpes hnov dheev Malis lub suab hais rau nws, ces nws tus menuam hauv plab txawm nti cuag dabtsi..., Elixanpes hais nrov nrov hais tias,... “Koj tus menuam hauv plab los tau koob hmoov... Thaum kuv hnov dheev tej lus uas koj hais rau kuv, kuv tus menuam uas nyob hauv kuv plab zoo siab thiab nti cuag dabtsi” (Lukas 1:40-44).
- “*Tswv Yexus tuaj*”! Nws yog Vajtsvw thiab yog tibneeg, Nws tabtom loj hlob ib yam li lub lwg ntshav lossis zoo li ib lub cev menuam uas me heev (tau ob peb nyuag hnub lossis ib lub asthiv xwb) tabsis Yauhas twb qhia rau peb paub txog Tswv Yexus.

Ua cas peb thiaj paub tau qhov no? Cia li nyeem dua ib zaug ntxiv Lukas 1:26-44, 56-57.

Malis tsis tau suab menuam thaum timtsvw tshwm los hais tias nws *yuav xeebtub los ntawm Vaj Ntsujplig* (1:26). Malis tau hnov xov zoo thiab “maj nroog” mus saib Elixanpes (Lukas 1:39). Raws li txojkev mus, Malis tau mus kwvlam li 115-150 km txog rau Elixanpes lub tsev nyob rau “*sab laj roob nram Yudas*” (1:29), yav qab teb ntawm Yeluxalees, vim Xakhaliyas tabtom ua haujlwm hauv tuamtsev (1:5-9). Thaum Malis tuaj txog ces Malis twb xeebtub lawm.



Yexus xeeb *tom qab* timtsvw mus lawm thiab *ua ntej* tuaj cuag Elixanpes. Yexus nyob hauv leej niam plab ob peb teev lossis ob peb hnub thaum Malis ntsib Elixanpes. Tshwjxeeb Yauhas twb nti vim zoo siab thaum pom Vaj Leej Tub. Thaum ntawd, Tswv Yexus me tshaj lub kua cwjmem uas nias rau tom kawg zaj ntawv no tiamsis Nws yog Vajtsvw thiab yog tibneeg tagnrho.

Tej yam no tshwmsim thaum Elixanpes tabtom suab menuam tau 6 lub hli lawm (1:26). Malis tuaj thiab nrog Elixanpes nyob tau 3 lub hli, nws rov qab los tsev ua ntej uas Yauhas yug los (1:56-67). Qhov no yog tej timkhawv uas tshwjxeeb hauv Lukas 1:26-44 tau tshwmsim ob peb nyuag hnub lossis ib lub asthiv xwb thiab cov me nyuam uas tau yug los puav leej yog tibneeg.

Kev tshawbfawb puas qhia ib Yam Vajluskub tias tibneeg txojsia pib muaj thaum uas xeebtub?
Muaj! Kev tshawbfawb txog menuam qhia hais tias thaum uas xeebtub ces koj yog:

- 1) Ib tus tibneeg ***ciaj sia***
- 2) Koj yog koj ***tsis muaj lwm tus zoo li koj***
- 3) Ib tus tibneeg ***txhij txhua*** – muaj nyob thiab loj hlob zuj zus hauv nruab thiab.

- Txij thaum no, tsis muaj ib Yam dabtsi yuav los ntxiv rau, tsuas yog ntxiv cov kua txab xwb.
 - Yog ib tug tibneeg tshiab, txawv niam thiab txiv – yog ib tus tibneeg. Muaj ntawd yam sib txawv: AND, roj ntshav, pojniam lossis txiv neej, kab tes, kab taw, xim qhov muag, xim tawv nqaj...


Muaj ib tus tub soj ntsuam txog lub lwg ntshav, Keith L. Moore hais li no:

“Lub lwg ntshav yog qhov uas pib muaj txojsia ntawm ib tus tibneeg tshiab. Tibneeg txojkev loj hlob pib txij thaum uas tus txivneej cov kab roj ntshav mus koom nrog tus pojnam cov qe... ua zes thiab peb hu ua lub lwg ntshav. Lub lwg ntshav no yog lub cim uas qhia tias pib muaj txoj sia.” - Keith L. Moore & T.V.N. Persaud, *Tibneeg txojkev loj hlob: Clinically Oriented Embryology*, 16.

Muaj ib tus tub soj ntsuam txog tibneeg lub cev, John Clark hais li no:

“Txoj sia pib muaj nyob thaum uas leej niam lub qe thiab leej txiv tus kab roj ntshav tuaj sib ntsib thiab ua zes. No yog ib kauj ruam me me xwb, tabsis muaj peev xwm loj hlob thiab ua tau tibneeg lub cev. Leej niam tsuas pov hwm thiab noj haus kom muaj kua txab mus yug tus me nyuam xwb” -Raws li Clark, *J. Paj hlwb: Kev sib txuas hauv tibneeg lub cev, phau ntawv Torsta.*

Txoj sia twb pib muaj nyob txij li thaum pib xeebtub hauv cev lawm



Txoj sia hauv nruab thiab yog Yam uas Zoo tshaj plaws thiab yog qhov uas tsim nyog rau peb qhuas thiab pehawm Vajtsvw

Vajntxwv Daviv pom tias nws yog tibneeg thaum nyob hauv niam plab lawm thiab nws qhuas Vajtsvw! Thaum sau Phau Ntawv Nkauj, Vajntxwv Daviv siv lo lus “me nyuam” rau qhov Daviv saib nws yog ib tus tibneeg zoo li thaum nws tseem nyob hauv niam plab. Tshaj qhov no, tus cwjpwm thaum tseem nyob hauv niam plab yog ib Yam uas Zoo tshaj plaws thiab muaj nuj nqis heev!

Daviv xav txog thaum uas ib tug me nyuam tau xeeb hauv nruab thiab, nws qhuas Vajtsvw:

“Koj yog tus tsim kuv lub cev txhua Yam huv tibsi, thiab koj yog tus uas puab kuv rau hauv kuv niam plab. Kuv qhuas koj rau qhov koj thiaj yog tus uas tsimnyog sawvdaws hwm, tej uas koj ua mas kuv xav tsis thoob thiab tsis txawj piav li, tiamsis kuv paub hais tias tej ntawd yeej yog koj ua”

Ntawv Nkauj 139:13-14.



Saib video hais txog **Koj lub neej ua ntej uas tsis tau yug los** (6 feeb) qhia rau koj pom thiab paub tias nws twb yog tibneeg thaum tseem nyob hauv niam plab lawm. No yog ib qhov uas Zoo kawg nkaus yog koj muab rau koj cov me nyuam tau saib. Koj saib zaj video hauv: <https://baovemamsong.org/ntaub-ntawv/lus-hmoob/> lossis cheb koj lub xov tooj rau tus QR uas nyob ntawm sab xis no.



Lo Lus nug 2:

Vajtsvv hais li cas txog tus neeg uas tsis muaj txim raug tua tuag, thiab kev kaus menuam?

Yam uas Vajtsvv hhub tshaj ces Nws tsomkwm tshaj. Lo lus nug 2 hais txog Vajtsvv txoj kevcai uas tsomkwm tibneeg kom tsis rauq tua, thiab Vajtsvv ua li cas thaum Nws pom tus neeg ncajncees rau tuag. Vajtsvv qhia kom peb yuav tsum ua li cas thaum pom cov neeg tsis muaj txim rauq tuaq xws li tua menuam povtseg thiab kaus menuam.

Vajtsvv tsomkwm tej uas Nws hhub tshaj ntawm tej uas Nws tsim zoo li cas?

Vajtsvv tsomkwm tibneeg los ntawm qhov kev ua zoo – dhau los ntawm qhov uas nws nias cim tej kev ua zoo rau hauv tibneeg lub siab. Vajtsvv tej kevcai uas ua zoo (kuj yog kev cai uas zoo muaj nyob hauv Vajlusku), muab sau zog los hais ua 8 lo lus “hhub kwvtij zejzos ib yam li koj tus kheej”.

Kev ua zoo uas Vajtsvv qhia raws li “txwv” thiab “kev cai”:

- **Txwv: “Tsis txlob tua neeg”** (Khiav Dim 20:3).
- **Kevcai: “Hhub kwvtij zejzos ib yam li koj tus kheej.** Kuv yog tus Tswv” (Levis 19:18).

Txoj kevcai txwv yog *txlob tua neeg* (txim tua neeg). Txoj kevcai samhwm yog nqua hu nqis tes tivthaiv tibneeg txisia. Pivxam, 2 Kevcai 22:8 hais tias: “Thaum nej ua tsev tshiab, nej yuav tsum xov puagncig lub rutsev tus npoo. Neeg thiaj tsis poob thiab tuaq, nej thiaj tsis tau ris lub txim ntawd.”

Dua li ntawd, “Txwv tsis pub tua neeg” tib neeg paub tias qhov no yog qhov tseeb, tabsis lawv tsis ua raws li (Khiav Dim 20:13).

Yog tias peb mloog Vajtsvv lus thiab ua raws li Nws kevcai, peb yuav tsum ua raws li 2 yam:

1. **Peb tsis txlob tua lwm tus** (txim tua neeg)
2. **Peb tsis qi muag xij peem** (tsis tawm tsam) qhov uas lwm tus tua ib tus tibneeg tsis muaj txim.

Tseeb tiag, peb twb tau txais Vajtsvv cov lus sam fwm tias yuav tsum hhub thiab ua zoo rau lwm tus yog tias peb xav kom lawv ua yam ntawd rov qab rau peb dua. Yog li ntawd, peb kuj xav kom lwm tus tsa suab hais, tsom kwm thiab pab kom peb dim.

Tus tibneeg txisia uas “tsis muaj txim” txhais li cas?

Loos 3:10, tsis muaj leejtwg tsis muaj txim li, “yeej tsis muaj ib tus neeg ncaj ncees hlo li.” Txhais hais tias tsis muaj ib tus twg dawb huv ntawm Vajtsvv xub ntiaq li; tagnrho txhua tus puavleej muaj txim thiab cheem tsum tus Cawmseej. Tiamsis, Vajlusku hais txog cov neeg uas tsis muaj txim (Pajlug 1:11; 6:16-17).

Thaum Vajtsvv hais tias tus neeg tsim muaj txim rauq tua yog Nws tabtom hais txog:

Cov neeg uas tsis muaj txim. Raws li kevcai, txhua tus tau suav tias tsis muaj txim mus txog thaum nrhiav tau timkhawv. Cov uas rauq nkaug yuam kev kuj tsis muaj txim.

“Tsis txlob txiav txim tsis ncaj rau tus neeg pluag thaum nws tuaj rau hauv tsev tu plaub. Tsis txlob lam nrhiav lus tsis tseeb liam lwm tus, thiab tsis txlob tua cov neeg uas tsis muaj txim dabtsi povtseg. Kuv yuav rau txim rau txhua tus uas ua phem li ntawd” (Khiav Dim 23:6-7).

Cov uas tsis paub qhov phem thiab qhov zoo. Qhov no yog cov uas menuam hauv nruab thiab, menuam mos liab, menuam yaus, thiab cov neeg mob pajhlwb uas tsis paub qhov yog thiab qhov txhaum.

“Thaum tus metub ntawd paub tab lawm, nws tsis nyiam ua qhov phem, tiamsis nws nyiam ua qhov zoo xwb” (Yaxayas 7:16) (Saib ntxiv 2 Kevcai 1:39; Yelemis 19:4).

Vajtsvv ua li cas thaum ib tus neeg dawb huv rauq tua?

Qhov ntawd ua rau Vajtsvv npau taws thiab Nws yuav txiav txim rau cov uas tua neeg tsis muaj txim. Nws yuav tawm hauv tus neeg ntawd mus thiab tsis mloog tej lus thov mus txog thaum nws lees txim (tus kheej thiab tebchaws, ib yam li Ixayees).

Nyob hauv zaj lus Ka-ees thiab Anpees (Chivkeeb 4:8-11), Ka-ees tua nws tus kww. Nws paub tias tua Anpees (tua neeg) yog txhaum Vajtsvv txoj kev cai lawm uas Nws muab cim rau hauv peb tibneeg lub siab lawm – Txawm yog thaum ntawd Vajtsvv tsis tau muaj kev cai txwv thiab 10 nqe kev cai dhau los ntawm Mau-xes, 2500 xyoo tomqab.

Ka-ees paub qhov txww – “**Tsis txhob tua neeg**” – thiab sivzog zais qhov uas nws tua neeg (4:9) Ka-ees paub kev cai – “**hlub lwm tus**” – yog li ntawd nws thiaj tsis lees nws lub txim thaum nws hais tias “Kuv yog tus saib xyuas kuv tus kwv lov? – “lossis kuv yuav tsum saib xyuas kuv tus kwv kom noj qab nyob zoo?” Yog lawm, tsim nyob Ka-ees yuav tsum ua li ntawd! Vajtsvv xav kom Ka-ees ua zoo! Anpees txoj sia muaj nuj nqis thiab quaj hu mus txog Vajtsvv lawm.

Yog li, Vajtsvv ua li cas thaum Nws paub Ka-ees tua Anpees? Vajtsvv **mloog** (10) thiab **txiav txim** rau Ka-ees (nqe 11-12-13) thiab **cais tawm** ntawm Ka-ees mus lawm (nqe 12 thiab 14). Muaj 3 Yam uas Vajtsvv ua – Vajtsvv mloog, txiav txim thiab cais tawm:

1. **Vajtsvv mloog tibneeg lub suab quaj hu** – ib Yam li Anpees! Vajtsvv saib cov neeg tsis muaj txim uas raug tuag no txoj sia muaj nujnqis thiab Nws yuav txiav txim rau tus tua neeg.
- Ntawv Nkauj 9:12: Vajtsvv nco ntsoov txhua tus uas tiv kev txomnyem; nws nco ntsoov lawv tej suab quaj, thiab nws rau txim rau cov neeg uas tsimtxom lawv. – Vajtsvv txoj kev ncajncees nyob mus ib txhis, Nws yog tus txaus ntseeg thiab kom peb tos nws txoj kev txiav txim.

2. Vajtsvv chim thiab rau txim rau tus neeg phem uas tau tua ib tus neeg tsis muaj txim:

Vajntxwv Manaxes lub txim (697-643 U.Y): tua cov neeg dawb huv hauv Yeluxalees, muab nws tus tub tua hlawv fij (2 Vajntxwv 21:6). Vajtsvv chim siab heev thiab txib 4 pab tub rog tuaj ntaus tebchaws Yudais... Vim Manaxes tua neeg tsis muaj txim.

- 2 Vajntxwv 24:2-4: “Tus TSWV tso cov Npanpiloos, cov Xilias, cov Mau-am thiab cov Amoos tuaj tua Yehauyakees thiab rhuav lub tebchaws Yudas puastsuaj tas raws li tus TSWV tau hais rau nws cov tubtxib uas yog cov cev Vajtsvv lus hais tias nws yuav ua li ntawd. Tej no muaj raws li tus TSWV tej lus uas hais tias, nws yuav muab cov Yudas ntiab tawm ntawm nws mus, vim tej kev txhaum uas Vajntxwv Manaxes ua thiab tua cov neeg ua tsis muaj txim. Tus TSWV yeej zam tsis tau lub txim uas Manaxes tua neeg ntawd li”.

Nyob rau Exekees tiام (620-570 U.Y), kev txhaum huam vam, yog li Vajtsvv rau txiam rau Yeluxalees nyhav tshaj qhov qub, raug poob mus ua cev qhev tim Npanpiloos (605 U.Y). Lub txim yog tua cov tibneeg tsis muaj txim povtseg.

- Exekees 22:3: “Kuv yog tus TSWV uas kav ib puas tsav yam, koj cia li qhia kuv tej lus rau lub nroog hais tias, ‘Vim koj tau tua koj cov neeg ntau tus thiab pe mlom ua rau koj tsis huv, koj lub sijhawm kawg twb los txog lawm’.

Vajtsvv ceebtoom tias kev txomnyem yuav tshwm sim rau cov neeg phem uas tua neeg.

- Yakaunpaus 5:1-6: “... Nej rau txim thiab tua tus neeg uas tsis muaj txim los nws tsis tawmtsam nej li”.

3. Vajtsvv tawm thiab tsis mloog tus neeg phem tej lus thov mus txog thaum nws lees txim.

- Yaxayas 59: 2 “...Twb yog vim nej tej kev txhaum nws thiaj tsis hnov nej tej lus thov,...”.
- Yaxayas 1:15-17: “Thaum nej tsa tes thov kuv, kuv yuav tsis ntsia nej, txawm yog nej yuav thov ntev npaum li cas los kuv yuav tsis mloog, rau qhov nej tej tes tua neeg. Ntxuav kom nej huv; tso plhuav tej kev phem kev qias uas kuv pom nej ua no tseg. Tso plhuav kev phem kev qias tseg thiab xyaum ua neeg zoo nrhiav kev ncaj ncees, pab tej neeg uas raug tsimtxom, ua ncaj rau cov menuam ntsuag thiab pab cov pojntsuan.” (nqe 18-20 mloog lus yuav tau koob hmoov).

Tus ntseeg yuav tsum ua li cas thaum pom muaj tibneeg tsis muaj txim raug tua tuag?

Ua rau cov ntshav tsis muaj txim nrog yog ua txhaum Vajtsvv kevcai txww: “Tsis txhob tua neeg.” **Tsis tsom kwm** thaum pom cov neeg tsis muaj txim raug tuag yog txhaum Vajtsvv txoj kevcai samhwm: “Hlub koj tej kwvtij zejzog ib Yam li koj tus kheej.”

Cov uas tua neeg thiab cov uas cia luag tua neeg **puavleej ua txhaum** Vajtsvv tej kevcai. Vajtsvv qhia rau cov ntseeg yuav tsum ua raws li txoj kevcai txww thiab txoj kevcai samhwm huv tibsi.

II Kevcai 21:1-9: Vajtsvv qhia rau cov Yxayees paub tias lawv yuav tsum ua li cas thaum pom cov neeg tsis muaj txim raug tua. Thaum ntsib thiab pom ib tug neeg tsis muaj txim raug tuag.

Ntawm no yog Yam Vajtsvv xav kom lawv ua, vim:

a. **Nqe 2** - Cov txwj laug mus ntsuas saib ze lub nroog twg dua. Yog lub nroog twg ze dua ces yuav tau muaj cai txiav txim. No yog ib qhov qhia txog kev "hlub lwm tus".

b. **Nqe 3-6** - Cov txwj laug uas nyob hauv lub nroog ze dua ntawd yuav tau mus nrhiav ib tus maum nyuj thiab cab tuaj ntawm thaj chaw tshwj xeeb, tom qab ntawv muab tua. Nqe 5, cov thawj coj txav mus ze saib kom teg hauj lwm no ua raws li qhov yog. Nqe 6, cov txwj laug ntxuav tes rau saum tus maum nyuj uas tau tuag ntawd.



c. **Nqe 7-9** – Tom qab ntawd thov Vajtsvv "Peb tsis tau tua tus neeg no, thiab peb tsis paub hais tias yog leejtwg tua". Cov txwj laug yuav hloov cev ntawm sawv daws thiab hais tias "peb tsis lo tua tus neeg no" thiab raws li kev cai "peb lub qhov muag tsis pom."

No yog ib lub rooj uas sawv daws sib koom tes ua thiab pom hais tias no yog kev txhaum. Lawv pom tau kev nyuaj siab hauv ib tus neeg lub neej. No yog ib tus neeg uas sawv daws tsis tau paub dua. Thiab yuav yog ib qhov txhaum thaum ib tug xav tias "*tsis tham quav ntsej*" – TABSIS Vajtsvv paub tus neeg ntawd.

Dhau los ntawm Cov txwj laug thiab cov coj noj coj ua tej kev qhia yuav pab tau:

- a) **Paub txoj kev nyuaj siab ntawm ib tus tibneeg** – tus neeg uas lawv tsis paub tabsis Vajtsvv paub.
- b) **Paub khuv xim txoj sia thiab paub coj** raws li Vajtsvv txoj kev cai
- c) **Vajtsvv qhia kom cov txwj laug yuav tsum paub sawv cev hauv pab pawg lees paub:**

Cov thawj coj, txwj laug yog cov uas tau Vajtsvv **nqua hu los coj** Vajtsvv haiv tibneeg thiab **qhia lawv paub txog** – cov neeg tsis muaj txim raug tuag. Thiab qhia kom peb **paub tig rov los ua raws li Vajtsvv kevcai** (qhov txwv thiab kevcai), coj lawv **paub nrhiav kev zam txim** ntawm Vajtsvv. "Cov txwj laug...hais.... (II Kevcay 21:6-9).

Vajtsvv hais li cas txog tua menuam, kaus menuam, thiab ua ntsej lag muag dig?

- 1) Tua menuam fij lossis **txhob txwm tua ib tus menuam yog saib tsis taus Vajtsvv**. Thiab ua rau Vajtsvv chim siab. Thiab, **qhov uas ua ntsej lag muag dig** zoo yam li: "No tsis yog kuv hauj lwm" thaum hais li no kuj yog peb saib tsis taus Vajtsvv ib yam nkaus.
 - "Nej cov Yixalayees txhua tus lossis cov neeg txaww tebchaws uas nrog nej nyob ua ke, yog leejtwg muab nws cov menuam rau luag tua txi tus vajtsvv Maulej, ces kom tej neeg zejzos muab pobzeb ntaus tus ntawd kom tuag mus... yog cov pejxeem tsis quavntsej tus uas muab nws tus menuam txi tus vajtsvv Maulej thiab tsis muab tus ntawd tua kom tuag, Kuv yuav tawmtsam tus ntawd thiab nws tsevneeg thiab cov neeg uas tso Kuv tseg mus pe tus vajtsvv Maulej. Kuv yuav muab lawv rho tawm ntawm Kuv haivneeg mus" (Levis Kevcay 20:2-5).
- 2) Hauv txojsia uas tsis muaj txim, **Vajtsvv hlub tej menuam thiab xav kom lawv tau tsomkwm**.
 - "Tus uas lees yuav tus menuam yaus no ntawm Kuv lub npe, kuj yog tus ntawd lees yuav Kuv. Yog leejtwg ua rau cov menuam uas ntseeg Kuv no ib tug ua txhaum, cia li muab hlua khi ib txhib zeb uas loj dai rau tus ntawd cajdab, thiab coj nws mus pov rau hauv hiavtxwv yuav zoo dua" (Mathais 18:5-6).
- 3) Vajtsvv saib qhov uas muab menuam tua fij yog ib qhov uas **tua Vajtsvv tej menuam**.
 - "Koj muab tej tub tej ntxhais uas koj yug rau Kuv coj mus tua fij rau tej mlom. Koj mus ua kev nkauj kev nraug los tseem tsis txaus koj siab, koj thiaj coj Kuv cov menuam ntawd mus tua fij rau tej mlom no los?" (Exekees 16:20-21).
- 4) Muab menuam tua fij yog ib yam uas txhaum loj kawg nkaus thiab Vajtsvv **suav tias yog kev phem kev qias kawg nkaus**.
 - "Lawv ua ib lub thaj rau Npa-as hauv lub Hav Hinoos, coj lawv tej tub tej ntxhais mus tua hlawy fij rau tus vajtsvv Maulej. Kuv tsis tau hais kom lawv ua tej ntawd, thiab Kuv tsis tau xav hais tias lawv yuav ua tej ntawd kom cov Yudas ua txhaum" (Yelemis 32:35).

Kaus menuam puas yog muab menuam tua fij?

Yog! Tsis hais nyob hauv sab kev ntseeg xwb. Tagrho ob yam ntawd puavleej ntsis txog:

- Niam txiv txhob txwm tua yus tus menuam.
- Muab yus tus menuam lub cev hlawv lossis txiav.
- Muab tibneeg txojsia coj mus pauv lwm yam.

Yav thaum ub muab menuam tua fij yog xav kom tsis raug tej yam tsis zoo (ntuj qhua teb nkig) lossis kom tau txais tej yam zoo ntawm dab (xws li kom ntaus yeej rog). Nyob rau peb tiam no, kaus menuam kom tsis raug txajmuag, poob ntau yam los tu, teebmeem,... lossis kom kawm tiav ntaub ntawv, txuag tau nyiaj txiag, npog yus lub txim uas ua nkauj ua nraug lossis kom lwm tus txaus siab rau yus. Yam uas mob siab tshaj plaws thaum paub khuvxim ces yog yus twb muab tus menuam coj mus pauv tej yam uas tsis muaj nqis lawm.

“Kaus menuam” tsis tau muaj nyob hauv Vajluskub, tabsis peb paub Vajtsvv txwv tsis pub kaus menuam vim txwv tsis pub tua neeg (II Kevcai 5:17) – lossis txhob txwm tua neeg tsis muaj txim! Menuam tsis tau yug los puav leeg yog tibneeg – yog li kaus menuam yog tua menuam - tua neeg tsis muaj txim.

Yog li, kaus menuam yog li cas?

Saib duab lossis video: www.baovemamsong.org/tai-lieu/tieng-hmong/

**Ceeb toom: Yuav ua rau koj tsis kam ntsia, tabsis peb thov txhawb koj thiab sawv daws saib ua ke kom paub txog kaus menuam yog li cas? Thiab cia Vajtsvv tshoov lawv lub siab.

**Tom qab uas saib video, siv sijhawm rau sawv daws lees kev txhaum thiab thov Vajtsvv ua ke!

No yog Kev Kaus Me Nyuam

Video 1

Kws kho mob Levatino qhia txog
kev kaus menuam ntu 2 (4 feeb.)



Video 2

Ntawm no yog kev kaus menuam.
Kev kaus me nyuam txaus ntshai (2
feeb). (Rub los hauv koj lub xov tooj.
Tsis muab rau menuam yaus saib)



Yog li phua vim menuam xeeb rau sab nraum
lub tsevtub ne? Qhov ntawd puas yog ib yam kev kaus menuam thiab?

Tsis yog! xeeb menuam sab nraum lub tsevtub
yog thaum uas lub lwg ntshav ua zes rau hauv txoj
kab qe, tsis yog hauv tsevtub. Nws yeej ciaj tsis
taus, yog tsis muab povtseg ces yuav ua rau
leejniam tuag.

Nco ntsoov tias, kaus menuam yog **txhob txwm**
tua menuam. Thaum phua vim menuam xeeb sab
nraum lub tsevtub lub homphiaj yog cawm
leejniam. Yav tom ntej yog cov kws tshuaj muaj
peevxwm muab lub lwg ntshav thawb tau mus rau
hauv lub tsevtub ces qhov ntawd yog ib yam uas
tsimnyog yuav tau ua.



Lo Lus nug 3:

Yuav ua li cas thiaj coj tau txoj Txoj Moo Zoo mus rau cov neeg uas twb kaus menuam lawm kom lawv tau txais kev zam txim thiab kev cawm dim?

Qhov uas npog kev txhaum yuav ua rau koj tsis tau txais Vajtsvv koob hmoov thiab kev zam txim.

Tau txais Vajtsvv koob hmoov: **Txais tau kev zam txim thiab muaj lub neej dawb huv**, thaum ntawd tej kev txhaum yuav hloov ua **kev zoo siab thiab kuj yog ib zaj tim khawv uas zoo** txog Vajtsvv txoj kev hlub dhau los ntawm Cawm Seej Yexus. Lub neej hloov pauv nrawm lossis qeeb tsis ua cas, tabsis kev hloov pauv thiab kev ntseeg mus ua ke.

3 Kauj ruam thaum zais ntshis lub txim – hloov los ua lus tim khawv

1. Phau Ntaww Nkauj 32:1-5: Kev Ntseeg hauv kev lees txim

Peb paub kev txhaum yog li cas? Tibneeg xav zais tej kev txhaum, ib yam li Daviv (nqe.3). Tabsis thaum peb ua twj ywm zais ntshis yuav ua rau peb ntsoos ntso (nqe 3), nyuaj siab, txaj muag, chim siab (nqe 4). Tabsis thaum lees txim (nqe 5) Vajtsvv yuav zam txim thiab cawm peb dim. Koob hmoov yuav ntws nplua mias rau tus uas paub lees nws tej kev txhaum (nqe 1).

Dhau Los Ntawm Kev Ntseeg, cia li:

- 1) **Txaus siab** lees rau Vajtsvv tias tej uas koj ua yog kev txhaum thiab Vajtsvv muaj cai rau txim.
 - “... Kuv tau ua txhaum rau Koj, rau Koj tib leeg xwb, thiab ua tej uas Koj pom hais tias yog kev phem kev qias. Yog li ntawd, qhov uas Koj txiav txim rau kuv yeej yog kev yog cai, thiab Koj yeej muaj cai rau txim rau kuv lawm” (Phau Ntaww Nkauj 51:3-4).
- 2) **Lees** kev txhaum thiab thov Vajtsvv zam txim. Daviv “qaug zog zis” vim tsis lees txim. Kev txhaum zoo yam li lub nra nyhav. Nws thiaj txiav txim siab lees txim:
 - “... Thaum ntawd kuv lees kuv tej kev txhaum rau Koj, kuv tsis zais tej uas kuv ua txhaum ib qho li, kuv lees kuv tej kev txhaum huv tibsi rau Koj, thiab Koj zam tagnrho kuv tej kev txhaum huv tibsi mus” (Phau Ntaww Nkauj 32:3-5).

2. Yaxayas 53:4-6 Ntseeg siab rau Tswv Yexus thiab Nws Ntoo Khaub Lig

Vajtsvv yuav zam txim li cas? Yuav tsis muaj kev ncajncees thaum zam txim rau tus neeg phem thiab rau txim rau tus neeg zoo, tabsis Vajtsvv yog tus muaj lub siab zoo, Nws twb rau txim rau Tswv Yexus – tau tuag hloov tibneeg. Tsim nyog peb tuag vim kev txhaum “vim nuj nqis ntawm kev txhaum yog kev tuag...” (Loos 6:23). (tabsis Tswv Yexus **tuag theej peb txhoj** – Nws tsis muaj txim). Vajtsvv ua li ntawd qhia kom tibneeg ntiaj teb paub txog Nws kev hlub.

Tswv Yexus **twb tuag theej peb lub txim lawm**, peb lub txim raug muab zam yog peb los ntseeg Nws. Raws li kevciai ntiaj teb, tsis tsim nyog koj txiav txim rau ib tus neeg 2 zaug koom tib lub txim. Tswv Yexus twb them peb tej nujnqis, peb tau dim txim.

Cov neeg kaus menuam, Tswv Yexus cov ntshav ntws saum tus Ntoo Khaub Lig los ntxuav peb lub txim lawm. **Thaum peb ntseeg thiab lees yuav Tswv Yesus, peb kuj lees paub tias:**

- 1) Tswv Yesus tuag theej **sawv daws lub txim**, txawm yog peb kaus menuam
- 2) Tswv Yesus twb tiv **txhua yam kev rau txim** vim peb lub txim tsis hais kev kaus menuam.

Dhau los ntawm Kev Ntseeg, cia li:

3) **Cia siab** tagnrho rau hauv Tswv Yesus - Nws twb ris Vajtsvv txojkev chim hloov koj chaw.

- “Twb yog vim peb tej kev txhaum Nws thiaj raug ntaus nqaj ntuag ntshav nrog, twb yog vim tej kev phem uas peb ua Nws thiaj raug nplawm. Qhov uas Nws raug txim txomnyem ntsuav, yog pab kom peb tau nyob kaj siab lug, Nws raug nplawm twb yog kho kom peb tej kev mob kev nkeeg zoo” (Yaxayas 53:5).
- “Vim Yesus [Khetos] tuag txhiv peb lub txim, Vajtsvv thiaj zam txim rau peb. Vajtsvv txojkev hlub loj kawg li” (Efesus 1:7).
- “Vim Yesus Khetos tuag theej peb lub txhoj, nimno peb thiaj ua tau neeg ncaj ncees, tsis yog li ntawd xwb, Vajtsvv yuav tsis txiav txim rau peb, rau qhov Yesus Khetos cov ntshav twb ntxuav peb tej kev txhaum lawm” (Loos 5:9).

3. Henplais 9:14. Kev Ntseeg zam txim thiab tawm tsam kev phem

Vajtsvv nqua hu peb sawv daws tso tej kev phem tseg thiab los pehawm Vajtsvv. *Yog li ntawd, Yexus Khetos cov ntshav hajyam muaj nqis heev dua tej ntawd thiab. Vajtsvv tus uas muaj sia nyob mus ibtxhis, nws tus Ntsujplig kom Yexus muab Yexus lub cev uas zoo kawg nkaus pub rau Vajtsvv theej neeg lub txhoj. Nws cov ntshav ntxuav peb lub siab kom peb dim tej kev txhaum uas peb tau ua los lawm, peb thiaj yuav ua tau Vajtsvv tus uas muaj txojsia nyob tes haujlwm.*

Txoj kev uas peb yuav taug **pib ntawm qhov txaus siab** hauv Tswv Yexus (zam txim), **tig rov qab los hais rau yus tus kheej**, no yog txoj kev uas yuav pab peb dim kev txhaum thiab txais kev kaj siab. Thaum peb lub hlwb lossis Dab ntxws nyooq tawm tsam peb yuav tsum muab siab rau ntseeg, qhia Moo Zoo thiab muaj lub siab dawb paug. Vajtsvv kom peb muab siab rau ntseeg thiab pehawm Nws.

Dhau los ntawm Kev Ntseeg, cia li:

- 4) Siv** txoj Moo Zoo no rau hauv koj lub siab thiab hloov koj txojkev txhaum mus ua lus timkhawv.
- “...Nws cov ntshav ntxuav peb lub siab kom peb dim tej kev txhaum uas peb tau ua los lawm, peb thiaj yuav ua tau Vajtsvv tus uas muaj txojsia nyob tes haujlwm” (Henplais 9:14).
 - “Tus menuam Yaj cov ntshav thiab Vatjswv Txojlus uas peb qhia twb ua rau lawv kovyeej tus (Xatas) uas nkaug lawv lawm...” (Tshwmsim 12:11).

Thaum koj tau ywj pheej vim koj tso tej kev txhaum, kev txaj muag povtseg ces koj yuav ua tau ib tug quav zoo thiab qhuas Vajtsvv. Caw koj saib “*kov yeej vim koob hmoov*” – saib ntawm passionlife.com.

THOV VAJTSVV: Siv sijhawm rau sawv daws lees txim. Caw ib tug ua tim khawv txog nws lub neej. Nqua hu Vaj Ntsujplig los nrog thiab thov Vajtsvv ua ke.

Lo Lus nug 4:

Vajtsvv nqua hu kom peb tiv thaiv cov tibneeg tsis muaj txim li cas? Lwm tus twb ua tes haujlwm no li cas lawm?

Thaum uas nkag siab *tej uas Vajtsvv hais txog tibneeg txojsia* mus rau *tej uas Vajtsvv nqua hu peb ua* kom tsomkwm tau tibneeg txojsia. Peb yuav ua li cas thiaj ua tau raws li Vajtsvv lub suab hu?

Peb yuav muab Vajluskub tej kevciai ua zoo uas ntsis txog kev kaus menuam hais sau zog li cas?
Peb yuav tau ua li cas?

- 1) Tsis txhab kaus menuam.** Thawj nqe kevciai uas yuav tau coj yog, “*tsis txhab tua neeg*” (Khiav Dim 20:13). Tsis txhab lam tua neeg tsis muaj txim, txawm tias yuav daws tau ib yam teebmeem. Kaus menuam yog txhab txwm tua tus neeg tsis muaj txim. Yog li ntawd, kaus menuam yog txhaum lawm. Yuav tsum ua siab tawv qhawv tsis txhab tua koj tej menuam, txawm tias yuav nyuaj npaum li cas, ib yam li koj tsis lam muab koj tus menuam uas twb muaj 2 xyoo lawm tua kom tuag los daws koj tej kev nyuaj siab.
- 2) Tsis txhab qi muag rau kev kaus menuam.** Yog koj tsis qi muag thaum ib tus menuam muaj 2 xyoos raug luag tua ces tsis txhab qi muag rau kev kaus menuam thiab (2 Kevciai 21:7).

Tsis txhab hnov qab feem tseem ceeb! Vajtsvv nqua hu kom peb - mus Cawm (Pajlug 24:11-12)

- 3) Siv zog pab kom cawm tau cov neeg tsis muaj txim.** Vajtsvv nqua hu peb yuav tsum ua raws li cov kauj ruam thiab mus cawm cov neeg tsis muaj txim – tsa ncauj hais thiab pab cawm!
- “*Tsis txhab ua xyem xyav, cia li pab tus neeg tsis muaj txim txhaum uas luag yuav coj mus tua povtseg. Koj yuav hais tias tsis yog koj feem xyuam, tiamsis Vajtsvv paub thiab yuav txiav txim raws li koj ua. Nws ntsia ntsoov koj, Nws yeej paub koj lub siab, thiab Nws yuav muab nqi zog rau koj raws li tej uas koj ua lawm*” Pajlug 24:11-12 *Lub ntsiab ntawm 24:11 yog “tua neeg” – txhab txwm tua tus uas tsis muaj txim.*

- a. Peb tsis txhab ua txuj tsis paub. Vajtsvv paub zoo peb lub siab thiab Nws yuav txiav txim dhau los ntawm peb tes haujlwm. Qhov uas peb teb Vajtsvv tej lus yog qhov tseem ceeb. Peb muaj lub siab kub lug pab vim peb paub tias Vajtsvv tabtom ntsia ntsoov peb.

- b. Saib peb ua li cas thaum cov neeg tsis muaj txim raug tuag, txhua Yam peb ua kom Vajtsvv tshwm sim hauv peb lub neej (thaum peb tsis ua, kev ntseeg yuav tsis tshwm sim).
- “Nej cia li tsa cov neeg pluag thiab cov menuam ntsuag txoj cai; nej cia li ua ncaj rau cov neeg txomnyem thiab cov neeg uas tsis muaj leejtwg pab. Cia li cawm kom cov neeg txomnyem dim ntawm cov neeg siab phem txhais tes” (Phau Ntawv Nkauj 82:3-4).
- “Cia li pab cov neeg uas lawv tsis muaj cuabkav hais lawv zaj, cia li pab txheem cov tsis muaj txhaum uas tsis muaj chaw vamkham. Pab txheem cov pluag thiab cov txomnyem txoj cai, pab lawv hais thiab txiav txim kom ncaj ncees” (Pajlug 31:8-9).

Ua raws li Vajtsvv txoj kevcia ua zoo

- “Yog nej xav kom lwm tus ua li cas rau nej, nej yuav tsum ua ib Yam li ntawd rau lwm tus. Ua li no thiaj raws li Mauxes txoj Kevcias thiab raws li cov cev Vajtsvv lus tau qhia tseg lawm” (Math 7:12).
- “Hlub koj tej kwvtij zejzog ib Yam li koj hlub koj lub cev” (Kalatias 5:14).

Vajtsvv qhia rau peb kom yuav tsum nrhiav kev mus cawm: Lukas 10:25-37

- 4) **Zaj tus Xamalis qhia rau peb paub kabke mus pab cawm** (Lukas 10:25-27). Nws zoo li tus qauv rau kev nqis tes, ua kiag ntawm yus tus kheej, thiab pab tiag tiag. Qhov ntawd yuav ua rau peb poob sijhawm thiab nyiaj txiag tiamsis cawm tau tibneeg txojsia thiab ua rau Vajtsvv tau ntsejmuag.

Zaj hais txog tus neeg Xamalis qhia peb paub:

- Leej twg yog kwv tij zej zog – **cov neeg uas cheem tsum kev pab** – cawm dim ntawm kev tuag.
- Peb yuav pab – **Kub siab lug, hlub**, tseg sijhawm thiab nyiaj txiag.
- Leej twg yog “kwv tij zejzos uas muaj kev hlub” – **tus ua nres thiab pab cawm tibneeg**.

Peb pom tej qauv uas hais txog cov uas ua raws li Vajtsvv tej lus nqua hu kom mus cawm cov neeg tsis muaj txim li cas? Lawv ua tes haujlwm ntawd li cas lawm?

Lawv tiv thaiv cov neeg tsis muaj txim kom tsis raug tuag nyob rau thaum ntawd? Peb yuav saib qee Yam qauv, tom qab ntawd peb yuav siv tau Yam no li cas rau tej uas peb yuav ua kom cawm tau tej menuam uas luag xav muab tua povtseg.

1. TEJ QAUV THIAB KAB KE SIB PAB HAUVE VAJLUSKUB

a. **Lunpees** tau cawm Yauxej dim ntawm nws cov kwvtij. Nws siv tej lus uas qhia txog kevcia ua zoo thiab tej lus thov kom tsis txhab tua tus tsis muaj txim. Chivkeeb 37:21-22 “*Thaum Lunpees hnov lawv hais li ntawd... nws thiaj hais tias, ‘Cia peb tsis txhab muab Yauxej tua povtseg, ... tsis txhab ua kom nws nqaij ntuag ntshav nrog.’ Lunpees hais li no, rau qhov nws xav pab kom Yauxej dim ntawm lawv...*”



b. **Cov pojniam pab daws cev Iziv** tau cawm tej menuam mos liab kom tsis raug tuag tiam Mauxes. Lawv muaj lub siab tawv, tsis kam ua raws li vajntxwv tej lus samhwm uas tsis ncaj ncees - Khiav Dim 1:17 “*Tiamsis ob tug pojniam ntawd paub ntshai Vajtsvv, nkawd thiaj tsis ua raws li vajntxwv hais, nkawd tsis tua tej menuam tub povtseg.*”

c. **Mauxes niam cawm Mauxes.** Nws muab Mauxes zais rau hauv ib lub tsev uas tsis muaj leejtwg paub (Khiav Dim 2:1-10). Tom qab ntawd nws cia luag pab tu kom nws tus tub muaj ib thajchaw nyob ruaj khov, loj hlob, thiab ua tiav Vajtsvv lub homphiaj.

Tes Haujlwm 7:19-21 “*Tus vajntxwv ntawd ua phem rau peb haiyneeg, tsimtxom peb cov yawgkoob tsis pub lawv tu lawv tej menuam thiab yuam kom lawv muab lawv tej menuam mos povtseg kom tuag mus. Thaum ntawd yog lub sijhawm yug Mauxes, Mauxes yog ib tug metub uas zoo nraug heev. Nws niam nws txiv tu nws hauv tsev tau peb lub hlis, thiab thaum nkawd coj Mauxes mus tso rau nram ntug dej, Falaus tus ntxhais txawm coj mus tu thiab saws ua nws tub*”.

d. **Aunpadiyas** cawm 100 tus cevlus kom tsis raug Yexenpees tua vim nws nrhiav chaw rau lawv nyob. 1 Vajntxwv 18:4: “*Aunpadiyas tau coj cov cev Vajtsvv lus ntawd ib puas leej mus zais rau hauv ob lub qhovtsua, ib pab tsib caug leej, nws xa zaub mov thiab dej mus rau lawv noj thiab haus*”

e. **Lajhaj** cawm cov tub soj tebchaws. Nws siv kev hais lus dag (muab cov tub soj tebchaws zais thiab dag kom cawm tau lawv) thiab nws tau txais kev qhuas vim qhov uas nws ua ntawd (Yausuas 2; Yakaunpaus 2:25).

f. **Coob leej** koom siab koom ntsws tawm suab cawm Yaunathas.

1Xamuyees 14:45: “*Tiamsis cov neeg hais rau Xa-ules hais tias, ‘Koj yuav muab Yaunathas, tus uas pab tau cov Yixalayees kovyeej loj npaum li no tua povtseg los? Yog koj tua nws, peb yeej tsis zoo siab rau koj li! Peb thov coglus rau tus Tswv uas muaj sia nyob hais tias, txawm yog Yaunathas ib txoj nyuag plaubhau los tsis pub kom poob. Tej uas hnub no nws ua yeej yog Vajtswv pab xwb.’ Yog li ntawd, sawvdaws thiaj pab tau Yaunathas dim tsis raug tua tuag”*

g. **Exethaws** tau cawm nws haiyneeg kom tsis raug tua los ntawm qhov uas hloov kevcai. Nws muaj lub siab tawv mus tawm suab pab cov uas raug teem tias yuav tsum tuag (Exethaws 3:9-13 thiab 4:14-16). “...kuv yuav mus cuag vajntxwv. Yog hais tias, kuv ua txhaum kevcai, kuv tuag los xijpeem!”

h. **Tswv Yexus** qhia kom peb siv tej kabke thiab tej Yam uas peb muaj mus *pab cawm tibneeg txojsia raws li tus neeg Xamalis siab zoo* (Lukas 10:25).

2. TEJ QAUV THIAB KAB KE HAUV KEEB KWM

a. **Tiam thib 1:** Nyob rau tiam thib ib, ntawm tebchaws Loos, kev kaus menuuam thiab tua cov menuuam mos liab muaj ntawd heev. Niam txiv muab me menuuam povtseg rau hauv hav zoov lossis povtseg ntawm ntug kev kom tuag lossis kom tsiaj hav zoov muab tom noj. Muaj ib txhia raug ntes coj mus ua niam ntiaj lossis ua qhev.

Vajtswv pawg ntseeg qhia: “**tsis txhob kaus lossis tua menuuam mos liab.**” Qhov no tau sau tseg rau hauv ‘Didache’ yog ib phau ntawd cob qhia pawg ntseeg. Lawv qhia: “*muaj 2 txoj kev: 1 yog txoj sia, 2 yog kev tuag, ob txoj kev no sib txawv heev*”. Txoj kev tuag muaj li: “...cov tua menuuam, thiab cov uas ua saib tsis taus Vajtswv lub cev dawb huv.” Lawv cawm tej menuuam thiab coj los tu. Lawv pab tej pojniam suab menuuam kom tseg tus menuuam.



b. **Tiam thib 2: Tertullian** (160-220) nws qhia tseeb meej txog kev kaus menuuam txaus ntshai tiam ntawd. Thaum hais txog cov ntseeg: “**Hauv cov ntseeg, kev tua neeg yog ib qhov txhaum thiab raug txwv tawv qhawv, peb tsis muaj cai kaus menuuam txawm yog nws tseem yog ib lub lwg ntshav...**”

c. **Tiam thib 3: Augustine** (354-430) muab tej txivneej lub siab phem kaus menuuam nthuav tawm. “**Lawv yuam tej pojniam siv tshuaj, yog tsis ua lawv yuav tua kom cov menuuam tuag mus.**”

d. **Tiam thib 6: Justinian** – Vajntxwv Loos sab hnub tuaj, nws yog ib tus ntseeg (482-565) qhia tias, “**Tus uas nrhiav pom tus menuuam yuav tsum tu thiab hlub raws li txojkev ntseeg. Peb yuav tau coj lawv los ua menuuam ib yam li peb tau ua menuuam hauv lub tebchaws koob hmoov.**”

e. **Tiam kaum rau (tiam txhim kho): John Calvin** hais tias, “**Txawm yog qhia txog qhov tseeb ntawm Vajtswv los tawmtsawm Xatas tej kev dag lossis tivthaiv cov neeg tsis muaj txim... los peb yeej yuav raug lub ntiajteb tawmtsam thiab saib tsis taus, txojsia tej cuab yeej cuab tam, lossis lub koob npe.**”

f. **Tiam 18-20:** Nyob Indias, **William Carey** (1761-1834) tivthaiv lawv muab menuuam pov rau cov ntses nabqa noj. Nyob Afrikas, **Mary Slessor** (1848-1915) tau cawm cov menuuam ntxaib kom tsis raug tua tuag. **Telexas** (1910-1997) qhia Moo zoo tuaj rau Indias, nws qhib tsev thiab pab cov me menuuam txom nyem. Telexas hais li no: “**Thov kom nej tsis txhob tua cov me nyuam... thov muab rau kuv. Kuv txaus siab yuav tu cov menuuam uas raug kaus...**”

Cov ntseeg qhib tej tsev tu menuuam ntsuag, tsev kho mob, txais menuuam los tu. **Cov ntseeg** tau pab cov neeg uas qhev khiav dim nyob Amelikas. **Cov thawj coj** tawm tsam kev kaus menuuam thiab mus cawm cov pojniam thiab cov menuuam mos liab tsis tau yug. **Cov tub qhia Moo Zoo** kuj mus cawm cov neeg uas tabtom ntsib teebmeem thiab qhia kom tsis txhob ua cov hauj lwm phem no.

3. TEJ QAUV THIAB KAB KE TIAM TSHIAB – TIAM NIMNO

A. Pab daws teebmeem suab menuam – Cawm pojniam thiab menuam kom tsis raug kaus:

Tiam nimno, Vajtsvw pawg ntseeg tabtom pab cawm txojsia los ntawm qhov uas mus cuag thiab cawm tej pojniam lossis tej nkawm niam txiv uas muaj kev nyuaj siab thaum suab menuam.

Nyob ntawm tus kheej, sawvdaws tabtom ua zoo li tus neeg Xamalis siab zoo, mus pab thaum lawv pom cov uas muaj kev nyuaj siab vim suab menuam.

Nyob ntawm tej pab, cov ntseeg thiab Pawgtseeg tabtom qhib tej koomhaum Kev Pab Thaum Suab Menuam thiab Tsev Rau Cov Pojniam Suab Menuam.

Pab pawg muaj kev pab xws li, daws kev nyuaj siab, nrhiav kws tshuaj, pab rau cov niam txiv thim xav thiab txiav txim tsis kaus menuam. Pab pawg tseem pab leej niam soj ntsuam menuam thaum lub sij hawm suab menuam lossis thaum yug lawm. Lawv pab tu, pab qhia thiab qee zaug kuj lees tu tus me nyuam ntawd kom loj hlob.

Ib pawg qhib **Ib lub chaw pab rau cov pojniam** uas tabtom suab menuam, pab cob qhia thiab qhuab ntuas thaum muaj neeg xav kaus menuam. Qhov chaw yog ib chav hauv tsev kho mob, nyob ze ntawm tej thaj chaw kws pheej muaj neeg tuaj kaus menuam. **Lub hom phiaj yog ntsib cov niam tsev lossis cov txij nkawm thaum ua ntej uas lawm yuav mus kaus menuam** thiab nrhiav hau kev pab lawv. Thaj chaw ntawd *yuav tsum tau qhia rau sawv daws paub txog*.

Ib pab pawg kuj qhib ib lub chaw kom cov pojniam muaj menuam thiab nws tus menuam tau so. Vim muaj ib txhia pojniam raug qhuab yuam, tej zaum kuj raug ntaus thiab. Thaum ntawd nws cheem tsum ib qhov chaw so kom tos txog lub sijhawm yug. **Hom phiaj yog pab rau txhua tus ua cheem tsum kev pab**. Lub chaw no yuav tsum qhia rau sawv daws paub, *tabsis ib nyuag nraim me ntsis*.

Thaum pab tus pojniam tabtom tsis paub tias yuav kaus menuam lossis yuav tseg, koj yuav tsum:

- **Qhia tshwm kev nkag siab.** Hais tias: Kuv nyuaj siab heev thaum pom koj zoo li no.
- **Mloog thiab nrhiav hau kev.** Hais tias: Thov qhia rau kuv paub txog koj tej kev txom nyem thaum uas koj tabtom muaj menuam lub sijhawm no.
- **Qhia. Nug.** Koj paub li cas txog tus menuam? Yuav kaus povtseg? Nrhiav lwm txoj haukev?
- **Cia li ua li ib tus neeg Xamalis siab zoo.** Hais tias: Kuv yuav pab koj tseg koj tus menuam. Peb cia li los nrhiav haukev.

Kev Qhia Pib Ib Lub Pab Pawg pab rau cov pojniam muaj menuam, koj yuav tsum ua:

- Nqua hu cov ntseeg uas loj hlob hauv Vajtsvw – txaus siab ua hauj lwm ua ke thiab pib thov Vajtsvw. Yuav tsum qhia rau koj tus Xibfwb paub.
- Muaj kev cob qhia koj pab pawg – qhia lawv paub sib tham nrog cov txis txij nkawm uas muaj kev nyuaj siab thaum suab menuam.
- Kawm paub txog cov chaw kaus menuam uas muaj nyob hauv ib cheeb tsam ze koj – qhov twg? Leej twg? Pistsawg? Vim li cas?
- Muaj kev sib txuas lus nrog cov pojniam uas cheem tsum kev pab – sib tham saum huab cua, lossis ntsib tim ntsej tim muag,...
- Nrhiav kev pab – leej twg yuav pab tau koj? Pistsawg tus kws kho mob?

B. Cov Lus Tsomkwm Txojsia Raws li Txojkev Ntseeg - Cia li qhia rau sawv daws thiab tej phooj ywg uas tsis tau ntseeg.

Peb muaj peev xwm hloov pauv tau lwm tus txoj kev xav txog kev kaus menuam dhau los ntawm qhov uas peb qhia txog kev cheem tsum “tsom kwm txojsia” (me nyuam mos liab tseem nyob hauv niam plab) raws li peb pom zoo. Tsis tsum siv Vajlusub peb kuj qhia tau:

i. Muab los hais sau zog qhov teebmeem no yog:

- Txhob txwm tua neeg yog txhaum.
- Kaus menuam yog txhob txwm tua ib tus tibneeg uas tsis muaj txim.
- Vim li ntawd, kaus menuam yog ib yam uas ua tsis yog kev tsis yog cai lawm.

- ii. Siv kev tshawbfawb (lo lus nug 1) los mus teb “Menyuam yog dabtsi? Nws puas yog tibneeg?”

iii. Siv kevcai ua zoo los qhia hais tias txhua tus tibneeg tsimnyog tsomkwm thiab sib txig sib luag. Yuav tsum nug **“Puas yog ib qhov uas zoo thaum peb tua ib tug menuyam muaj 2 xyoo”**. Feem coob thaum sawvdaws pom luag muab ib tus menuyam tua thaum nws muaj 2 lub xyoo mas lawv yuav hais tias ‘TSIS KAM’. Tiamsis tibneeg ho siv zog hais daws lawv zaj teebmeem kom tau kaus menuyam uas hais tias menuyam mos txawv li tus uas muaj 2 xyoo. Lawv pheej hais txog 1 ntawm 4 yam hauv qab no. No yog qhov kev sib cav thiab tej lus uas peb yuav teb lawv.

a) **Tus menuyam uas tsis tau yus los ces tseem me.** Yog! Lub lwg ntshav me tshaj tus menuyam uas nyuam qhuav paub mus kev, tus uas nyuam qhuav paub mus kev me tshaj tus uas yuav tiav hluas. Txoj cai sib txig sib luag tsis saib los ntawm qhov uas loj lossis me. Feem ntau txivneej loj me ntsis pojniam, yog li lawv muaj cai ua neej ntau tshaj puas yog?

b) **Menyuam tseem nyob hauv niam plab.** Yog! Tiamsis qhov no txhais tias koj yog leejtwg. Tsis yog thaum koj nyob hauv tsev ces koj yog tibneeg dua li uas thaum koj nyob nraum zoov. Txawm nyob hauv niam plab lossis sab nrau puav leej yog tibneeg.

c) **Tus uas tsis tau yug los ces tsis paub dabtsi.** Yog! Tiamsis tus menuyam nyuam qhuav txawj mus kev tsis paub tab li cov yuav tiav hluas. Cov uas tabtom raug phais vim kab mob tsis paub dabtsi li thaum uas lawv xeev xwm, tiamsis lawv txoj cai ua neeg yeej tsis ntau lossis tsawg raws li qhov uas lawv nco tau lossis tsis nco. Yog thaum lawv tsis nco qab hau yus muab lawv txiav cajdab kiag no puas tau, lawv tsis nco lawm lawv txawm tsis muaj feem ua neeg lov?

d) **Tus uas tsis tau yug los tseem vam khom yus.** Yog! Tiamsis tagnrho tej menuyam mos, menuyam me, thiab txawm yog tej uas yuav tiav hluas los tseem vam khom yus. Cov laus thiab cov uas muaj mob puavleej vam khom lwm tus. Cov uas siv insulin (tshuaj ntshav qab zib) yeej tsis lam tsis tau cai ua tibneeg li. Vajtsvw hais tias cov uas muaj kev cheem tsum yuav tsum tau txais kev pab tsis yog muab tua povtseg.

Lossis, lawv siv zog npog qhov kev kaus menuyam ntawd vim tus niam tsev tsim kam (lossis tsev neeg tsis kam), tabsis qhov uas lawv lam xav xws li – tus menuyam mos ntawd tsis yog tibneeg li peb – qhov tseeb nws zoo ib yam! Yog li ntawd, yog yuav pab kom lawv paub qhov tseeb, koj nug lawv saib txhua yam uas lawv tau npog cia no puas siv tau rau ib tug menuyam muaj 2 xyoo?

a) **Nyiaj txiag: “Peb pluag dhau lawm! Peb tsis muaj txaus nyiaj txiag tu menuyam”.** Thaum uas txoj kev tu menuyam yog kev khwv, peb puas tua neeg povtseg tau? Piv xam li ib tsev neeg muaj menuyam coob coob, yog li ntawd lawv txiav txim siab muab tus menuyam uas muaj 2 xyoo tua pov tseg puas ua tau? Yeej TSIS TAU! Yog li, yuav tsis muaj kev ncajncees thaum uas peb tua ib tus menuyam tsis tau yug los.

b) **Tsis Xav yug: “Tsis txlob qhuab yuam kom yug ib tug menuyam yog tias nws tsis tau txais tos”.** Muaj coob leej xav tias no yog qhov zoo. Yog tsis muaj leej twg xav koj, lawv puas muaj cai muab koj tua povtseg? Pivxam li muaj ib tus menuyam muaj 2 xyoo, tsis muaj leej twg hlub nws thiab thaum muaj 5 xyoo yuav raug ntaus. Yog li, peb puas tau cai tua nws tiamsim no kom tom ntej nws tsis txlob raug tsum txom? Yeej TSIS TAU. Qhov uas peb yuav tau ua yog siv zog pab tus me nyuam ntawd lub neej. Raug “tsis xav” tsis yog ib yam kev xaiv sib npaug zos – Vim yog tibneeg ces twb sib txig sib luag lawm! *Tus menuyam uas tsis tau yug los kuj yog tibneeg thiab!*

c) **Menyuam muaj mob (khuyết tập): “Tsis txlob qhuab yuam tus niamtsev yug tug menuyam uas muaj tsis txaus txhua yam”.** Pivxam li ntawm koj hau ntej yog ib tug menuyam hlwb tsawg, yog li puas tau cai tua tus menuyam ntawd? TSIS TAU, txhua tus puav leej txaus siab tias yuav tsum tu tus menuyam ntawd. Yog tias ib tus menuyam tsis tau yug los tabsis lub cev tsis muaj txaus txhua yam zoo ib yam li tug menuyam 2 xyoo, yog li puas muaj kev ncajncees thaum tua ib tus menuyam uas tsis tau yug los. Yog vim li cas tus no muaj cai ua neej nyob, lwm tus tsis muaj? Yog li *tus menuyam uas tsis tau yug los puas yog tibneeg?* Muaj qee leej kuj xav tias no yog ib qhov kev tuag uas zoo. Tabsis tseeb tiag, lawv yeej paub tseeb hais tias no TSIS YOG qhov zoo thiab pab tsis tau tug menuyam ntawd. Qhov tseeb, vim tsev neeg tsis xav kom lawv txaj muag thiab raug txom nyem ntxiv.v.v...

- d) **Pojniam muaj cai txww nws lub cev:** “*Lub cev yog kuv lub, kuv muaj cai xaiv!*” Tsis yog! Thaum ib tus pojniam hais li ntawd txhais tau hais tias nws muaj cai tua thiab kaus tus menuam povtseg, tus pojniam ntawd tsis muaj kev totaub txog yam uas nws ua ntawd. Nws tsis paub tias, tus menuam ntawd tsis yog ib feem ntawm nws lub cev – tus me nyuam ntawd yog ib tus - tabtom nyob koom nws xwb! Yog li, TSIS tau cai muab tus me nyuam tua povtseg. Qhov no zoo ib yam li ib tus pojniam yuav tsis muaj cai tua nws tug menuam muaj 2 xyoo! Tus menuam uas tsis tau yug los thiab twb yug los lawm puav leej muaj cai yug los ua neej vim nkawd puav leej yog tibneeg! Tiag tiag, lub zog uas loj kawg nkaus ntawm ib tug pojniam yog ‘nqa nyhav’ nws tug menuam hauv nws lub plab! (*Yog muaj menuam sab nraum lub tsev tub – thov saib lo lus nug 2*).

C. Cia li Ohia Rau Koj Pawg Ntseeg – Tsis txhob kaus menuam, pab cov niam tsev thiab cov menuam tseem tsis tau yug los:

No yog ib qhov uas tseem ceeb rau cov Xibfbw tswj pawg ntseeg, cov Xibfbw coj cov ntseeg yuav tsum **tawm tsam kev kaus menuam**, thiab muaj hau kev **pab cov pojniam thiab menuam mos** hauv Vajtsww pawg ntseeg thiab cov uas nyob ib ncig ntawm koj.

Yam xub thawj yog qhia rau pawg ntseeg paub txog lub txim ntawm kev kaus me nyuam. Tagnrho txhua tus yuav tsum pom tau qhov tsis ncajncees ntawd thiab tsis lees yuav. Thaum yam phem tshwm sim thiab ua hauj lwm hauv qhov tsaus ntuj (ua zais ntshis) thiab thaum Xibfbw ua twj ywm ces yog sijhawm zoo rau cov ntseeg mus kaus me nyuam. Efexaus 5:11: “Cov neeg uas nyob hauv qhov tsaus ntuj nyiam ua tej kev phem kev qias, nej tsis txhob mus nrog lawv ua, rau qhov tej ntawd yeej tsis muaj nqis. Nej yuav tsum muab tej ntawd los nthuav rau qhov pom kev”. Thaum kev kaus me nyuam raug muab nthuav tawm, sawv daws yuav pom qhov kev tsis ncajncees thiab tawm tsam.

Ib cov ntsiab lus thaum pib:

1. Nthuav tawm qhov kev tsis zoo thaum kaus menuam (Efexaus 5:11)
2. Qhia rau sawv daws paub txog kev zam txim ntawm Tswv Yexus (Yaxayas 53:5; Efexaus 1:7)
3. Nqua hu sawv daws los ntseeg, txais kev ywj pheej thiab muaj lub siab dawb paug (Henplais 10:22)
4. Qee sijhawm, pab rau cov niam txiv thiab qhia kom lawv qhia txog lawv tus qauv rau pawg ntseeg (Tshwm Sim 12:11)
5. Cob qhia rau cov ntseeg kom lawv paub yog vim li cas tsom kwm tkoj sia yog ib qhov tseem ceeb (Paj Lug 31:8-9)
6. Nqua hu pawg ntseeg tawm mus pab cov niam tsev tabtom ntsib keb teeb meem uas nyob ze ib ncig ntawm koj, xws li: coj qhia, pab txhua yam uas nej pab tau (Paj Lug 24:10-12, Lukas 10:25-37)

Coj Mus Siv: “*Qhov tseem ceeb yog peb mloog, ua raws li thiab qhia rau lwm tus*”. Cia li xav saib koj yuav qhia rau leej twg. Yog qhia tau rau 5 leej kuj zoo heev lawm. Muab qhia rau cov kwjtij zejzos, ib pab txiv neej lossis niam tsev? Yog tias koj yog Xibfbw, koj puas qhia rau txhua tus Xibfbw nyob ib cheeb tsam ntawm koj?

Thaum pib ua haujlwm pab ib cheebtsam, cov ntaub ntawv no yuav pab tau koj thiab koj pab pawg

1. Kev pab thaum cev xeeb tub ntsib teebmeem rau tus nyuam qhuav pib
2. 7 kauj ruam pib tsim tsa ib pab pawg
3. Tsuas muaj ib qhov teebmeem – qhia rau cov phooj ywg tsis tau ntseeg Vajtsww.
4. **4 Lo Lus Nug** – Cob qhia ‘4 lo lus nug’
5. **Tau zam txim thiab ywj pheej** – kho kom muaj kev zoo siab thaum uas nws twb kaus menuam lawm.

Cheb koj lub xov tooj rau tus QR thiab rub lwm zaj kawm, 4 lo lug nug cob qhia siv rau cov thawj coj nrog rau cov hauj lwm tom tsev, saib video thiab lwm yam ntxiv ntawm: www.baovemamsong.org



Xav tau kev pab? Xeeb tub? Hu rau peb: 081 511 4526

Lossis sau ntawv rau peb thiab xa rau tus email: bvmshanoi@gmail.com